



Rune Solstrand
Ådlandsvegen 1063
5918 FREKHAUG

Referanser:
Dykkar:
Vår: 16/1938 - 18/15120

Saksbehandlar:
Kristin Moe
kristin.moe@meland.kommune.no

Dato:
04.07.2018

Førehandsvarsel om pålegg om retting og ilegging av tvangsmulkt på gbnr. 36/106

Saka gjeld

Meland kommune har 08.11.2017 motteke melding frå firmaet Norva24 Vest AS om at septiktank på tilhøyrande eigedom er feilmontert.

Meland kommune fekk melding om same feil på septiktanken på tilhøyrande eigedom den 19.08.2015. Du vart i brev datert 15.07.2016 gitt ein frist for å utbetre tanken. Frist for arbeidet vart satt til seinast neste tømning, som var i 2017. Meland kommune har ikkje motteke tilbakemelding frå deg, og handsamar saka på bakgrunn av dette.

Grunngjeving for førehandsvarsel om pålegg om retting og ilegging av tvangsmulkt

Det følgjer av forurensningsloven § 7 første ledd at «ingen må ha, gjøre eller sette i verk no som kan medføre fare for forurensning» uten at det er gitt tillating til det. Ved feilmontering av tank er det fare for at anlegget ikkje overholder reinsekrava og kloakk kan i verste fall slå inn i bustaden eller renne ut av tanken.

I medhald av forurensningsloven § 7 fjerde ledd jf annet ledd kan kommunen pålegge den ansvarlege for forureining som er i strid med loven, om å sørgje for tiltak for å stanse, fjerne eller avgrense verknaden av den. Med bakgrunn i nemnde forhold, varslar kommunen om at det vil bli vurdert å gje pålegg om retting og ilegging av tvangsmulkt for å få brakt tilhøva i lovlege formar.

Varsel om pålegg om retting

Med heimel i forurensningsloven § 7, blir du no varsla om at tiltaket må bli retta **innan 17.09.2018**:

Retting må skje ved at tanken blir montert riktig. For å utbetra septiktanken må du kontakte eit godkjent røyrleggjarføretak eller føretak som har ansvar for tømning av tanken din. Vesentleg reperasjon eller endring av avløpsanlegg er i utgangspunktet eit søknadspliktig tiltak etter plan- og bygningsloven § 20-1. Dersom du er usikker på om utbetringa/reperasjonen av septiktanken er eit søknadspliktig tiltak kan du ta

kontakt med Meland kommune. For tiltak som gjeld nytt lokk/lås eller liknanden kan du sjølv utføre dette arbeidet.

Kommunen må få skriftleg tilbakemelding når tanken er montert riktig.

Dersom forholdet ikkje blir retta innan tidsfristen, vil Meland kommune vurdere å fatte vedtak der vi pålegg dykk å utbetra septiktanken i medhald av forurensningsloven § 7. Pålegg om retting vil i så fall bli gitt i særskild vedtak (brev) ved utløp av tidsfrist.

Varsel om ilegging av tvangsmulkt

Med heimel i forurensningsloven § 73 gjev Meland kommune varsel om at kommunen kan fatte vedtak om ilegging av tvangsmulkt dersom det ulovlege tiltaket ikkje er retta, og kommunen ikkje har motteke dokumentasjon på dette, **innan 17.09.2018**.

Tilbakemelding

Når avløpsanlegget er reparert, må du og eventuelle sameigarar fylle ut det vedlagde tilbakemeldingsskjemaet for utført arbeid og returnere det til kommunen innan den nemnde fristen.

- E-post: postmottak@meland.kommune.no
- Brev: Postboks 79, 5906 Frekhaug

Vi svarar gjerne på spørsmål på telefon 56171000 eller du kan sende e-post til postmottak@meland.kommune.no.

Dine rettar

Du har rett til å gje uttale før det blir fatta vedtak om pålegg om retting og ilegging av tvangsmulkt. Det kan til dømes vere at du meiner opplysningane våre ikkje er rette eller at det fins andre grunnar til at du ikkje har plikt til å utbetre forholdet. Det vert gjeve ein frist på **3 veker** frå mottak av dette brevet til å svare på førehandsvarselet. Meland kommune oppmodar dykk om å nytte uttaleretten.

Med helsing

Anny Bastesen
sektorsjef teknisk

Kristin Moe
juridisk rådgjevar

Dokumentet er elektronisk godkjent og har difor ingen signatur.

Vedlegg:

Skjema for tilbakemelding

Mottakere:

Rune Solstrand

Ådlandsvegen
1063

5918

FREKHAUG